

Kisah Dari Samudera: Portal Di Pergunungan Cermin

Menurut khabar angin, terdapat sebuah portal di Pergunungan Cermin yang mistik yang dapat membawa seseorang ke dunia lain. Ia dikatakan ditemui oleh Nigel dalam salah satu pengembaraannya. Menurut Nigel, terdapat tompokan aneh di atas tanah yang menyerupai permukaan air yang beriak-riak. Semasa dia pergi untuk melihat dengan lebih dekat, dia terjatuh kepala dahulu ke dalamnya.

Apabila Nigel mendongak, dia mendapati dirinya berada di sebuah dunia yang berbeza. Dia ternampak makhluk-makhluk aneh berkeliaran di antara rak-rak buku. Kasihan Nigel! Dia ketakutan pada ketika itu. Di manakah dia? Adakah dia akan terperangkap dalam dunia yang mengelirukan ini selama-lamanya? Kemudian, dari sudut matanya, dia terpandang sebuah mesin dengan sebuah peta di atasnya. Nigel pernah melihat peta itu. Ia adalah peta Bugtopia!



Kisah Dari Samudera: Portal Di Pergunungan Cermin

Teruja, Nigel berlari ke arah mesin itu. Mungkinkah ia boleh membawanya pulang? Salah satu makhluk aneh tersebut sedang mengumpul kad dari mesin itu. Nigel memutuskan untuk menepuk bahu makhluk tersebut bagi menanyakannya soalan.

“Apa khabar?” tanya Nigel. “Adakah anda tahu sama ada mesin ini dapat membantu saya pulang ke Bugtopia?”

Makhluk itu berpaling dan melihat kelibat Nigel, lalu menjerit. Jeritan yang kuat itu mengejutkan Nigel sehingga menyebabkannya tersandung ke belakang hingga terkena mesin itu. Dia merasakan permukaan keras mesin itu di belakangnya seketika sebelum dia merasakan keadaan di sekelilingnya berputar. Nigel memejamkan matanya.

Setelah merasakan dunia seperti berhenti berputar, Nigel membuka matanya. Alangkah terkejutnya dia! Nigel telah berjaya melalui teleportasi kembali ke Pergunungan Cermin.

Nigel menjelaskan bahawa dia belum kembali ke dunia misteri itu lagi. Bugs yang telah mendengar ceritanya tertanya-tanya sama ada portal itu merupakan bahan daripada sebuah novel fantasi atau ia merupakan suatu mimpi rekaan Nigel semata-mata.

